

重修膠州志卷二十六

列傳六

人物

明人物傳

忠節

高濂 紀懋勳

高濂字澍之一字心印鏘子濂承家學有志操以選貢入監肄業授北直隸臨城知縣其城西偏泚水濂相形勢築隄三十丈以捍民居丁憂歸臨城民爲立碑服闋補東安知縣富商有僕死其父剗刃於腹誣以見殺控濂廉其僞而釋商或譖於監司劉若金劾濂失出謫陝西西安府經歷以積勞遷南直隸贛榆知縣時流寇橫行所在殘破徐沛蕭碭閒烽火相望濂獨支柱一城興樓櫓渠答皆草創崇禎十五年

膠州志

卷二十六

列傳六 人物

一

大清兵南狩自畿南抵淮揚旋至贛榆濂集士民固守城破巷戰

而死

高志外援既絕內力不支城陷衣冠拜闕死之

子國楹孫熾同日殉事聞贈山東按

察司僉事祀贛榆名宦祠廕一子國柱入國子監子國樞見選舉紀懋勳字參乾思溫孫幼孤承兄教長治春秋崇禎三年舉人除河南鹿邑知縣值河北衝地時流賊袁老山一條龍袁時中等數十萬衆橫行開封歸德閒官軍當之輒敗懋勳倡立義勇營修城塹械仗屹然獨爲保障十五年袁時中以十萬衆壓城懋勳帥民伍出戰殺數千人賊披靡遁縣人踴躍恃得官帥時中愬於李自成羅汝才悉其精銳來決勝負破歸德陳州凶鋒如雷霆懋勳堅壁待之閒出鬪死傷相鬪氣不自奪塵戰十餘日賊大怒雨射城

上礮矢殺賊賊肉薄以進者愈衆城遂圯懋勳巷戰中刃猶與賊拒顧壯士多死外無援兵乃懷印拜闕自縊於堂楹與高濂并祀鄉賢忠義二祠

據州志別本

辭濂

子榮

張熙

張繼芳

蘇萬室

辭濂字仲涵舊志祿八世孫襲陽武侯崇禎三年以中軍府都督加太子太師十七年李自成陷京師殉難死子榮榮字孟弢以勳廢仕至前府都督父濂殉莊烈帝難榮棄官扶柩歸里入

國朝召以故官起用榮以疾辭張熙字春臺宏範子舊志諸生少負才名屢試不第崇禎十七年土寇起熙避亂夾山賊脇之熙不從遂遇害祀鄉賢忠義二祠子若獬別有傳若麒見選舉張繼芳

膠州志

卷二十六

列傳六 人物

二

州南農民亦以不從土寇遇害蘇萬室字陶我舊志靈山衛人由歲貢任莒州訓導崇禎末土寇薄莒城萬室協州人固守城陷死之

法寰 高允茲 張錄

法寰字開三其先世襲濟南衛指揮使成化間有文質者任州學正遂家焉十傳至寰天啟七年舉人任北直隸靜海知縣勤於撫字歲稔徵稅不及額左遷南直隸蘇州府知事歷六合太平知縣均有治聲遷河南懷慶府同知明亡棄官歸里

國朝順治十年秋海時行叛寰被執罵賊死二子文學若爽若翼殉焉時行遣人至京師求招撫寰子若真素服哭於兵部師即日

出九月時行伏誅傳首至膠若真告於當道請其首手再斫之以祭寰墓初寰在蘇州與江西楊廷樞艾南英倡明正學晚年讀書於州之怡雲嶺學者稱怡雲先生著有四書義春秋義諸書詳見藝文祀太平名宦祠本州鄉賢祠雍正閒入昭忠祠至嘉慶六年予世廕恩騎尉世襲詳選舉表若真別有傳高允茲字不疑父嗣增生家貧孝友廉介不妄取以言行重於鄉黨祀鄉賢祠允茲崇禎七年進士任北直隸完縣知縣有兵戒守禦有方擢河南道監察御史巡按南直隸蘇松等處丁憂歸值崇禎末土寇之變允茲分守北城助餉爲防禦城賴以全明亡不復出

國朝順治十年海時行叛罵賊死雍正閒入昭忠祠至嘉慶六年

膠州志

卷二十六

列傳六 人物

三

予世廕恩騎尉

世襲詳選舉表

子簡別有傳張錄字孝生父大年崇禎十

六年進士任南直隸華亭知縣錄少嫺弓馬崇禎末漕督某愛其材署爲都司使就州鎮儲用明亡大年自華亭棄官歸錄自負材武獨騎護其家還遂不復出

國朝順治十年海時行叛錄時在別業與客奕聞變詣父所道遇叛卒叱錄曰胡不胄而騎乃袒衣爲錄不應直前手搏之卒怒刺刃其腹仆地賊棄錄大掠至大年家大年夫婦受創甚以諸子在南莊僕婢扶持逃往尋歿老奴葉某拽錄至家錄竟卒錄妻趙氏遣葉奴取僧寺寄柩以殮

據州志別本餘詳節婦趙氏傳

明人物傳

孝友

樂大道 冷時泰 高三重 冷國治 王肱

樂大道諸生苦志向學力行孝道父歿廬墓三年妻死不再娶鰥居終身冷時泰父祿成化十六年舉人浙江溫州府通判時泰監生父卒哀毀幾不起葬之日時泰白母曰泰有弟足事母兒欲報父罔極恩萬一遂廬墓側三年不歸高三重字體元父應熊河南陳畱驛丞三重性純摯幼喪母家貧鬻鹽爲生事父與繼母盡孝父嗜奕三重日進數十錢爲奕資繼母卒哀毀盡禮繼母所生三妹三重悉撫育之爲擇良配父歿時三重年已六十餘結廬墓側疏食衰麻隆冬不御綿萬歷三十四年特旌又冷國治王肱皆以父歿廬墓三年知州某表其門與樂大道冷時泰高三重并祀孝

膠州志

卷二十六

列傳六 人物

四

弟祠

五人據舊志
參孝子合傳

趙懷慎

子佐

姜桃禎

孫必登

張鳳化

趙懷慎字后泉白璧子諸生髫齡卽以孝聞父歿懷慎請於學使以養母終身不試母歿獨處三年食蔬啖粥妻孥弗得面祀鄉賢

孝弟二祠

據舊志參
孝子合傳

子五任僖佐佑儼任儼別有傳僖佑見選舉

佐字臣哉光祿寺監事舊志七歲讀戴禮嘗曰爲人子弟者固如是父歿哭踊嘔血母歿結廬墓側朝夕哭拜三年鄉里強迎之歸年已七十目擊萬歷時事赴闕上書陳民間疾苦詔有司採擇行之巡按倪某表其門曰移孝作忠著有讀禮三錄中山小草詩集姜桃禎學古子舊志親歿築廬墓側時壘土誦釋氏經不懈終老

墓所人皆呼爲姜孝子墓孫必登舊志農民不識字父早歿必登力耕養母母卒棄妻子結廬墓側負土爲邱歷二十餘年不懈萬歷四十三年大侵採柏葉蒲根食之有羣盜過其廬索食必登出所食盜不能下咽而去與趙佐姜桃禎並祀孝弟祠張鳳化舊志靈山衛人幼失恃事父至孝父歿廬墓三年

高嗣呂 高景安 魏詔爵 宋獻璧 法振邦 徐順

高嗣呂字清寰軫孫舊志家貧幼失恃事父與繼母皆孝謹萬歷閒值大侵嗣呂咽糠粃而養親必有酒肉父患胄腕嗣呂侍疾不解帶者七十餘日異母弟三人友愛無閒言知州李茂時舉鄉飲禮延嗣呂爲大賓固辭不出茂時爲表其門曾孫大烈見選舉高

膠州志

卷二十六

列傳六 人物

五

景安舊志性至孝中年喪母景安侍父榻側夏爲父扇風冬抱父足而寢歷十七年未嘗懈魏詔爵字巨菴舊志父年六十有一始生詔爵父歿事母匡氏始終盡孝妻高氏生子明庸甫三歲高氏卒詔爵不再娶或勸之不答未幾攜明庸築室父母墓側以終宋獻璧舊志諸生崇禎七年父母皆八旬相繼歿獻璧哀毀踰禮卜葬周邨北嶺廬墓側負土成邱手植松柏成林終身不離墓所後病篤其子趨視但云父母之恩昊天罔極恨不能報長歎而逝知州某表其廬與高嗣呂高景安魏詔爵並祀孝弟祠法振邦舊志事母篤孝母病數年侍湯藥不怠未嘗寢私室病危號天籲代母病尋已振邦鞠瘁骨立竟卒徐順舊志幼喪父採樵養母善體親

志母病篤晨昏祝天願減年以延母算母病尋痊

明人物傳 篤行

李縉 子相 王斌 子和 和 姜文盛 冷若虛 王世道

李縉其先北直隸棗強人自元時有君實者始來遷君實任浙江杭州府經歷八傳至縉舊志縉敦厚寬恕樂施予成化六年大饑捐銀易粟全活萬命子相相字廷輔由歲貢任山西陽曲縣訓導有學行著有篁塢橋曾孫太和見選舉王斌字文浩舊志成化六年出粟千石賑濟飢民子和和字德春由應貢任南直隸山陽縣主簿遷北直隸肥鄉知縣著有石溪詩草和字稟春以捐賑議敘承事郎散官姜文盛原名茂舊志成化六年捐粟助賑貧民賴

膠州志

卷二十六

列傳六 人物

六

之與李縉王斌同時奉敕旌褒冷若虛舊志諸生好學工文敦尚古道見野詞邪說即焚之有故友儲某女貧無依若虛資而嫁之鄉里惡少感其惠而改行者甚衆王世道舊志性篤實克自砥勵尤潛心史鑑及為善格言以勸化其鄉時稱長者與李縉王斌姜文盛冷若虛並祀忠義祠 舊志祀典遺王世道由國朝雍正六年奉旨忠義題名碑補

趙時弼 崔輔 邊甯 鄧廷昭 姜光宿 高滄

趙時弼舊志由歲貢除北直隸邱縣訓導遷成安縣教諭正己率士日勤講貫或分俸金以惠寒畯崔輔字君佐舊志由歲貢任山西平定州訓導善育人人才歸里樂貧自如不徇時好以書法擅長邊甯字靜之舊志由歲貢授陝西富平縣訓導教誨諸生必以聖

賢之學饋遺悉卻之著有詩文稿藏於家鄧廷珫字孔文舊志弱冠工詩文由歲貢任陝西鄜州學正訓士有方嘗分俸金助諸生之貧者致仕歸篋笥蕭然淡泊自安姜光宿達孫舊志由歲貢授南直隸華亭縣訓導遷山陽縣教諭持已廉介諸生進謁者卻其贄嘗分俸金以濟寒士子繼曾見選舉高滄字伯涵建節子舊志由歲貢除蒙陰訓導遷廣寧屯衛教授端嚴有學規陶育諸生卻其餽遺告歸以耕讀課子尤謹孝祀三舉鄉飲大賓

袁學古 宋之曾 張宏範 趙懷禮 高瀚

袁學古字允獲繼業子舊志萬歷元年舉人孝養不仕篤愛兄弟有讓田之美與人交不苟取予歲稔捐資賑濟全活甚衆子允隆

膠州志

卷二十六

列傳六 人物

七

崇禎十年進士疏請終養未仕卒宋之曾字文山舊志諸生性孝友有文譽父母兄皆早歿幼弟兄子並在襁褓之曾養育訓教咸有義方鹽大使某罷官貧不能歸將鬻十歲女治裝之曾聞之瞿然曰身列士林奈何令官斯土者至此厚贖之以歸子可久可發別有傳張宏範字子壽舊志諸生家貧授徒遠方年逾五旬無子妻趙氏爲置妾及夕見其有憂色詰之泣曰妾本有夫以貧累不得已鬻妾宏範危坐達旦遣還之踰年生子熙熙別有傳與袁學古宋之曾並祀鄉賢忠義二祠趙懷禮字三珠白璧子舊志性篤厚由歲貢除某縣訓導遷江西瑞州府教授育才訓士多所成就告歸爲鄉里所矜式三舉鄉飲大賓高瀚字演海父銓北直隸寶

坻縣丞舊志瀚由選貢任南直隸碭山知縣告歸從子一梗早孤
瀚撫如己子年逾九十步履猶如少年往事未晰者咸就訪之邑
人奉爲典型六舉鄉飲大賓

匡如桐 張炯 法官 張志定 陳墀 趙運昌 郭縵膠

匡如桐字鍾陽天祐孫舊志性孝友重然諾少孤事祖母以孝聞
弱弟幼妹皆撫之成立著有柳莊詩集子蘭馨別有傳張炯字斗
華正學曾孫舊志諸生家貧教授自給敦行直道嘗詣東嶽廟見
遺錢守之以俟失者至乃去卒年八十有二子若驄見選舉法官
字墨溪舊志孝事繼母兄弟相友愛五十年如一日待人恭恕三
尺之童無敢慢家貧能忠敬以求師故子弟多以文行著子若貞

膠州志

卷二十六

列傳六 人物

八

別有傳張志定鯉子舊志由歲貢爲潞府長史慷慨好義有商人
失資號泣欲捐生志定罄所有及是年館穀助之三舉鄉飲大賓
陳墀字五雲父增美隆慶四年舉人北直隸香河知縣墀崇禎六
年舉人家貧嗜學不汲汲於勢利循禮樂道口無擇言趙運昌字
開仲舊志讀書尚志年三十喪妻慮幼子失所不再娶炊汲之事
皆自任焉祀忠義祠又有郭縵膠者亦以子幼不再娶鄉里稱之

見高志
孝義傳

祀忠義祠

見國朝雍正六
年忠義題名碑